

14. April

Timersorneq timigissarnerlu pillugit Inatsisartut inatsisaat nr. Xx,xx.xx 2016-imeersoq
(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Naalakkersuisut timersorneq timigissarnerlu pillugit Inatsisartut inatsisissaattut saqqummiussaqaqarnerannut Siumumiit ima oqaaseqassaagut.

Inatsit ullumikkut atuuttoq kulturikkut ingerlatsineq, sunngiffimmi sammisassaqaqtitsineq kiisalu timersorneq ataatsimoortillugit inatsiseqaqtinneqarsimasut maanna immikkut ersarissaavigineqarlutik inatsisiliuunneqaqtussanngorneri Siumumiit tigulluarparput.

Timersorneq pinaveersaartitsinermut aqqutit pitsaanersaraat, tasanissaaq peqqinnartumik meeqqaniit utoqqarnut ataatsimoorneq pilersinneqaqtarpoq. Meerartatta peqqinnarnerpaamik inuuneqarlutik peroriartornissaannut inuiaqatigiinni timersornikkut pitsaasumik tamanullu assigiimmik periarfissaqaqtitsisumik atugassaqaqtitsinissaaq siunnerfigineqarmat nuannaarutigaaqarput.

Timersornermut timigissarnermullu tunngasut Naalakkersuisooqatigiinnit immikkut isiginiarneqarlutik nukittorsaaviginiarneqarnerat Naalakkersuisooqatigiit siunnerfiannut naapertuuppoq, tamanalu nuannaarutissaavoq. Timersorneq sakkortussutsit assigiinngitsorpassuit aallaavigalugit ingerlanneqaqtarpoq, soorlu uani inatsisissami aamma tamanna isiginiarneqartoq, tassa timersorneq, qaf-fasissumik timersorneq kiisalu timigissarneq.

Timersornermik aallussisinnaanerup akissaateqassutsimit aporfiliinani mattussisuunnginnissaa immikkut eqqumaffigineqarmat tigulluarparput, tamannalu pisortat kattuffinnik peqateqarluarnerisigut isumannaarniarneqarluni eqqumaffigineqarniarmat pinaveersaartitsinerup iluani sunniuteqarluarluni inissisimassasoq neriuuteqarfigaarput.

Timersorneq timigissarnerlu peqqissutsimut annertuumik sunniuteqaqtarpoq, tamanilli innersuus-sutaajuarpog timimik aalatitsilluarnerup nappaatinik pinaveersaartitsinermut aamma toqqamma-viliisooqataalluinnartarnera. Ullutsinni inooriaatsitta malitsigisai pualavallaarnerit peqqissutsimik innarliisinnaaneri pinaveersaartinniarlugit meeqqat mikinerannit timersornermik timimillu atui-

Iluarnermik aallussineq meeraaqqerivinnit meeqqat atuarfiannut ilinniarfinnillu ingerlariaqqiffiusunit immikkut eqqumaffigineqarnissaat kissaatiginarpoq, soorlu aamma tusarniaanernit tamakku immikkut eqqumaffigineqartariaqarneri tikkuarneqarsimasut, soorlu meeqqat atuarfianni pissutsit atuuttut peqqissuunissamik oqariartuutigineqartunut naapertuutinnginneri. Nalunngilarpummi timersorneq timimillu atuinerit piffissamut uninngalluni atuartitsinernut naapertuutinngippallaartut.

Immikkuttaaq eqqumaffigineqartariaqarput peqqussutip iluani immikkut pisariaqartitsisut pisinnaasamikkullu killilimmik inissisimasut inatsimmi immikkut maluginiarneqarlutik inissisimatinneqartariaqartut. Soorluttaaq oqariartuutigineqartoq akissaateqassuseq aporfiliissangitsoq aamma taamatut eqqumaffigineqartariaqarpoq pisinnaasatigut killilimmik piginnaasaqartut assigiimmik periarfissaqarnissaasa qularnaarsimaneqarnissaat.

aamak oqaaseqarluta Inatsisissatut siunnersuut ataatsimiitsitaliamut susassaqartumut ingerlateqqineqassasoq innersuussutigaarput.

Vivian Motzfeldt

Siumut